

ՕՐԻՆԱԿԵԼԻ ՊԱՅՄԱՆԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՑԱՄԱՔՈՒՐԴԱՅԻՆ (ԴԻԵՆԱԺԱՅԻՆ)
ՀԱՄԱԿԱՐԳԵՐԻ ՄԻՋՈՑՈՎ ՀԵՏԱԴԱՐՁ ՋՐԵՐԻ ՏԵՂԱՓՈԽՄԱՆ

ՀՀ -----մարզ, քաղաք/գյուղ ----- 20 թ.

(իրավաբանական անձի անվանումը և (կամ) ֆիզիկական անձի անունը, ազգանունը, հայրանունը)

Այսուհետ՝ օգտվող, ի դեմս

-----,
(ազգանունը, անունը, հայրանուն, պաշտոնը)

որը գործում է -----հիման վրա,

(կանոնադրության, լիազորագրի)

մի կողմից, և ----- այսուհետ՝ ընկերություն, ի դեմս

(շահագործող կազմակերպությունը)

ընկերության տնօրեն՝ -----, որը գործում է ընկերության կանոնադրության հիման վրա, մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1. Սույն պայմանագրով ընկերությունը պարտավորվում է օգտվողին մատուցել սույն պայմանագրի 2-րդ կետում նշված ծառայությունները, իսկ օգտվողը պարտավորվում է վճարել մատուցված ծառայությունների համար:

2. Ընկերությունը պարտավորվում է իրականացնել օգտվողի կողմից ջրթափից հետադարձ ջրերի անխափան փոխադրումը՝ իրականացնելով մաքրման, նորոգման և պահպանման աշխատանքները:

3. Ծառայությունների մատուցման ժամկետն է՝ _____ 20 թ. մինչև _____ 20 թ.:

4. Ցամաքուրդային (դրենաժային) համակարգերի միջոցով փոխադրված հետադարձ ջրերը հաշվառվում են օգտվողի կողմից սահմանված կարգով ստուգաչափված, տեղադրված և կապարակնքված ջրաչափական սարքի (սարքերի) ցուցմունքին համապատասխան: Ջրաչափական սարքի խափանման և (կամ) բացակայության դեպքում փոխադրվող փաստացի ջրաքանակը հաշվառվում է ջրթափի կետում հետադարձ ջուրը փոխադրողի և օգտվողի համատեղ չափումների հիման վրա:

2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

5. Օգտվողն իրավունք ունի՝

1) սույն պայմանագրին համապատասխան անարգել ընկերության կողմից շահագործվող ցամաքուրդի (դրենաժի) միջոցով փոխադրելու արտադրական տարածքում առաջացած հետադարձ ջրերը.

2) տեղեկանալու ընկերության կողմից շահագործվող օգտվողի հետադարձ ջրերը տեղափոխվող ցամաքուրդի (դրենաժի) մաքրման աշխատանքների արդյունքների մասին՝ առանց միջամտելու նրա գործունեությանը:

6. Ընկերությունն իրավունք ունի՝

1) անարգել մտնելու օգտվողի արտադրական տարածք՝ ջրաչափական սարքի ցուցմունքը կամ ջրաչափությունը համատեղ արձանագրելու համար.

2) օգտվողից պահանջելու սույն պայմանագրով սահմանված կարգով և ժամկետներում նախատեսված վճարները:

7. Օգտվողը պարտավոր է՝

1) մատուցված ծառայությունների համար վճարել սույն պայմանագրի 4-րդ կետին համապատասխան հաշվառված փոխադրված հետադարձ ջրի ծավալների և 9-րդ կետում նշված վճարի արտադրյալին համապատասխան, սույն պայմանագրի 11-րդ կետին համապատասխան համատեղ կազմված փոխադարձ ակտի կազմմանը հաջորդող 15 օրացույցային օրվա ընթացքում.

2) թույլատրել ընկերության ներկայացուցչի մուտքն իր արտադրական տարածք՝ ջրաչափական սարքի ցուցմունքը համատեղ արձանագրելու կամ ջրաչափություն իրականացնելու համար:

8. Ընկերությունը պարտավոր է՝

1) յուրաքանչյուր տարին առնվազն մեկ անգամ, սահմանված կարգով, ապահովել ցամաքուրդի (դրենաժի) մեջ արտանետվող հետադարձ ջրերի կենսաբանաքիմիական կազմի լաբորատոր հետազոտության իրականացումը.

2) իր կողմից շահագործվող ցամաքուրդ (դրենաժ) ընդունել օգտվողի կողմից փոխադրված ջրաքանակները.

3) պահպանել օգտվողի կողմից կառուցված ջրթափի միջոցով _____ մարզի _____ ցամաքուրդի (դրենաժի) տեխնիկական վիճակը.

4) հետադարձ ջրերը փոխադրել ամբողջ ծավալով.

5) օգտվողի պահանջով վերացնել հետադարձ ջրերը տեղափոխվող ցամաքուրդի (դրենաժի) հետ կապված և հայտնաբերված բոլոր թերությունները:

3. ՊԱՅՄԱՆԱԳՐԻ ԳԻՆԸ, ՀԱՇՎԱՐԿՄԱՆ ԵՎ ՎՃԱՐՄԱՆ ԿԱՐԳԸ

9. Սույն պայմանագրով նախատեսված ծառայությունների մատուցման գինը 1 մ³-ի հետադարձ ջրերի տեղափոխման համար սահմանել 0.11 դրամ (ներառյալ ԱԱՀ-ն):

10. Օգտվողի կողմից ընկերությանը ենթակա վճարի չափը հաշվարկվում է ամսվա ընթացքում հետադարձ ջուրը փոխադրման կետից ցամաքուրդ (դրենաժ) արտանետված փաստացի ջրաքանակի և սույն պայմանագրի 9-րդ կետում նշված գնի արտադրյալին համապատասխան:

11. Ցամաքուրդ (դրենաժ) փոխադրված փաստացի ջրաքանակն արձանագրվում է օգտվողի և ընկերության կողմից համատեղ կազմված փոխադարձ ակտի հիման վրա՝ յուրաքանչյուր ամսվան հաջորդող ամսվա մինչև 15-ը:

12. Օգտվողի կողմից ընկերությանը վճարման ենթակա գումարը վճարվում է սույն պայմանագրում նշված ընկերության հաշվարկային հաշվին փոխանցում կատարելու միջոցով:

4. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

13. Սույն պայմանագրի 3-րդ կետում նշված ժամկետում ծառայություններ չմատուցելու դեպքում ընկերությունն օգտվողին վճարում է տուգանք՝ պայմանագրի ամսական գնի 5 տոկոսի չափով, և տույժ՝ կետանցի յուրաքանչյուր օրվա համար՝ 0.05 տոկոսի չափով:

14. Սույն պայմանագրի 10-րդ կետին համապատասխան հաշվարկված վճարի չափը սույն պայմանագրի 7-րդ կետի 1-ին ենթակետում նշված ժամկետում չվճարելու դեպքում օգտվողն ընկերությանը վճարում է տուգանք՝ պայմանագրի ամսական գնի 5 տոկոսի չափով, և տույժ՝ կետանցի յուրաքանչյուր օրվա համար՝ 0.05 տոկոսի չափով:

15. Տույժի վճարումը կողմերին չի ազատում իրենց պարտավորությունները կատարելու և խախտումները վերացնելու պատասխանատվությունից:

5. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

16. Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել:

6. ՎԵՃԵՐԻ ԼՈՒԾՄԱՆ ԿԱՐԳԸ

17. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը ենթակա են լուծման դատական կարգով:

7. ԵԶՐԱՓՈՒԿ ԳՐՈՒՅԹՆԵՐ

18. Օգտվողն իրավունք ունի միակողմանի լուծելու պայմանագիրն իր արտադրական տարածքից առաջացած հետադարձ ջրերի բացակայության դեպքում՝ առնվազն մեկ ամիս առաջ գրավոր ծանուցելով ընկերությանը:

19. Ընկերությունն իրավունք ունի միակողմանի լուծելու պայմանագիրը օգտվողի կողմից երկու ամիս անընդմեջ պայմանագրային պարտավորությունները չկատարելու, ինչպես նաև ընկերությանը պայմանագրով սահմանված իր իրավունքներից օգտվելուն խոչընդոտելու դեպքում՝ առնվազն երկու ամիս առաջ գրավոր ծանուցելով օգտվողին:

20. Սույն պայմանագրում ցանկացած փոփոխություն և լրացում վավեր է այն պայմանով, եթե դրանք կատարված են գրավոր և ստորագրված՝ կողմերի կամ կողմերի լիազոր ներկայացուցիչների կողմից:

21. Սույն պայմանագիրը կազմված է հավասարազոր իրավաբանական ուժ ունեցող երկու օրինակից: Յուրաքանչյուր կողմի մոտ գտնվում է պայմանագրի մեկական օրինակ:

8. ԿՈՂՄԵՐԻ ԳՏՆՎԵԼՈՒ ՎԱՅՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Օգտվող	Ընկերություն
----- (գտնվելու վայրը)	----- (հասցեն)
----- (բանկային վավերապայմանները)	----- (բանկային վավերապայմանները)
----- (ստորագրությունը)	----- (ստորագրությունը)
Կ.Տ.	Կ.Տ.

Եթե կողմը քաղաքացի է, ապա _____
(ազգանունը, անունը, հայրանունը, բնակության վայրը, անձնագրի սերիան, երբ և

ում կողմից է տրվել)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ